

Dat wëllt awer nët heeschen, daß vun dëser Säit soss keng Demanden do waren, mais vu, daß déi 7 Plazen am Centre d'Accueil primär vun den Puppelcher besat gin, déi no der "mesure de garde provisoire" mat engem Jugement aus dem Régime FADEP an den Centre d'Accueil transféréiert gin, stin hei kaum Plazen op.

Dësen internen Transfert erméiglecht et awer de Kanner, fir sêch nët nes eng Kéier op hir nei Situatioun mussen ëmzestellen. 8 Bebëen haten esou an den 3 Joer jhust en Transfert FADEP-C.A. um Pabeier.

Dëst zéit awer mat sech, daß am C.A. enzeg Plazen fräi gin wann dat klengt Kand mat 3 Joer soit an een vun den 3 uschlëßenden Kannergruppen vum selwechten Foyer iwerwiesselt, soit daß d'Kand an der Tëschenzäit dach nes konnt an seng egen Famill zrëck, well sêch do d'Situatioun engegermossen stabiliséiert huet, soit daß déi Assistante Sociale déi de Placement vum Puppelchen an d'Wee gelet huet d'Chance hat fir durch en vun eisen nationalen "services de placement familial" eng Famille d'Accueil fir de Bébé ze fannen.

Mir mëcht ët allerdengs Suergen, daß ëch an den 3 leschte Méint ca. 8 Butzen vun +/- engem Joer mußt refuséieren, well déi 10 Plazen stänneg besat bleiwen. Et bleiwt mir jhust ze hoffen, daß trotzdem adäquat Léisungen hei fond goufen. Daß an esou enger Situatioun verschidde Froen eng seriös Iwerleong noutwendeg machen, bleiwt nët aus. Ech si nët op där Plaz fir nozepräifen a wéi engem Grad d'Urgence vun engem Placement an eng Institutioun fir e Bébé leit, ët ass sêcher och ze vill einfach fir ze mengen, daß d'Schaffen vun engem weideren Bébésgroupp d'Léisung wier, ech géif meng Suerg awer och gâr den "services de placement familial" un d'Härz leen mat der Hoffnung, daß ët sêcher Familjen dierft gin déi fir e kurzfristegen, urgenten Dépannage fir d'Betreiung vun engem Puppelchen beret wieren, besonnesch am Fall vun Krankheet oder Hospitalisatioun vun der jonker Mamm.

Leider gesäit ët am Moment esou aus, wéi wann ëmmer méi un der Base vun engem Bébéplacement, d'Nout vu jonken Elteren stet, déi hiren Auswee aus Zerstridenhet, Existenzproblematik, Onstabilitéit an eng ausweglos Flucht an Alkohol an Drogen sichen. An dëser konkreter, alarmanter Situatioun géintiwer, komme mer sêcher nët derlaanscht fir no neien Perspektiven ze sichen.

Begründen wëll ech dëst ongutt Gefill domat, daß bei deenen 36 Placementer déi ech t'éinescht zitëiert hun:

- 7 x Alkoolsproblemer vun den Elteren mat-gespillt hun
- 4 x Drogen
- 23 x Divorce, Zerstridenhet vun der Koppel an déi domat oft zesummenhängend On-fähigkeit vun der Koppel oder dem eenzelne Partner fir hiirt Kand groußzezéien. Chômage a Wunnengsnout sin an dëser Problematik keng onbedeutend Begletherscheinungen.
- 2 x war Krankhet vun der Mamm d'Ursach vum zeitweiligen Placement.

Detailer iwert de Modus vum Placement am Bébésgroupp brauch ech sêcher nët ze gin. Eigentlech gët ët jhust 2 Weer fir eran: CNAP oder Jugendgericht.

Eng Ursach fir e Refus ass mer keng bekannt, außer deer, daß allen 10 Bettercher beluegt sin.

Och ass ët en ongeschriwene Artikel, daß den Responsablen vun der Institutioun virun der jo meeschtens virleiender mesure d'urgence de protection seitens vum Gericht, nët déi an dem Fall opwendeg Prozedur vum Accord vum Comité de Gérance vum Haus an dem Conseil d'Administration vun der asbl ofward, mais oft eréischt no der Admissioun vum Bébé déi néideg Informatiounen weidergët.

Eier ech d'Wuert weidergin un den Här Michel Krier, den eis iwert d'Problematik bei der Prise en charge vun Schoulkanner informéiert, wëllt ech ofschléißen mat engem Aperçu iwert d'Sortien vun den 36 ufanks ernimmten Bebëen.

1991 sin	3 Kanner an hir Famill (Elteren oder Groußelteren) zrëckgang 6 an e Placement familial
1992 konnten	8 an d'Famill (Elteren oder Groußelteren) zrëck, 3 an e Placement familial 1 huet d'Mamm bei der Visite entféiert.
1993 sin	5 Kanner bei d'Elteren oder d'Groußelteren zrëckgang, 1 an e Placement familial.

Ech géif mer wënschen, daß eis Reflexiounen vun haut eis nei motivéieren fir no konstruktiven Léisungen ze sichen am Interessi vun dene